

tuit hanc veluti explicationem, « Libera nos, quæsumus, Domine, ab omnibus malis, præteritis, præsentibus et futuris, ut ope misericordia tuae adjuti, et a peccatis simus semper liberi, et ab omni perturbatione securi ». Ubi illud, « præteritis », respicit petitionem quintam, « futuris », petitionem sextam, « præsentibus », petitionem septimam. Illud autem a « peccatis simus semper liberi », pertinet ad petitionem quintam et sextam : illud vero, « ab omni perturbatione securi », ad petitionem septimam.

Neque vero articulus Græcus multum adjuvat sententiam priorem. Nam in Scripturis eadem vox πνηρός cum suo articulo non raro accipitur pro re mala, ut ad Roman. XII. *Odientes malum, adharentes bono.* In Græco pro voce, « malum », est τὸ πνηρὸν. Et Matth. v. *Sit autem sermo vester, est, est, non, non.* Quod enim his amplius est, a malo est (1), id est, a corruptione est. Græce habetur εἰ τοῦ πνηροῦ.

Addunt Græci codices Matth. VI. post septem petitiones haec verba. « Quia tuum est regnum, et potentia, et gloria in secula, Amen ». Et explicant clausulam istam Chrysostomus, Theophilactus et Euthymius in commentario ejusdem loci. Sed certum est, ea verba non esse de textu Evangelico, sed inserta fuisse a Græcis ex consuetudine, quam habent ea verba recitandi post orationem Dominicam in sacrificio Missæ. Nam Latini etiam antiquissimi, et Græcae linguae periti, ut Tertullianus, Cyprianus, Ambrosius, Hieronymus, Augustinus, nullam horum verborum mentionem faciunt. Videtur igitur illa esse appendix quædam orationis Dominicæ apud Græcos, sicut est apud Latinos illud, « Libera nos, quæsumus, Domine etc. ». Nam sicut apud nos non continuantur haec verba cum oratione Dominicæ : ita neque apud Græcos continuantur, ut perspicuum est ex Liturgia Chrysostomi. Atque hæc de Dominica oratione sufficient.

CAPUT VII.

Soli creaturæ rationalis proprium esse orare.

Sequitur pars quinta disputationis, in qua explicandum est, cuius sit orare. Sed res facilis est. Non enim convenit munus orandi,

(1) Matth. V. 37. — (2) Ex. XXXII, 10. — (3) Job. IX, 13. Jos. X, 13. — (4) Rom. VIII, 26.

nisi Angelis et hominibus. Est enim oratio actus quidam rationis, quo unus alteri supplicat, inferior videlicet superiori, et pauper diviti. Ex quo sequitur ut nec Deo convenienter orare, cum ipse nullum habeat se ditionem aut superiore, quippe cui omnes dicunt, *Deus meus es tu, quoniam honorum meorum non egis;* neque etiam bestiis et rebus inanimatis, quæ sunt rationis et orationis expertes. Quare impia et blasphema censenda est deliratio illa Judeorum Thalmudistarum, qui dicunt, Deum quotidie certas orationes devote animo fundere. In Thalmud. ord. I. tractat. I. dist. I. Idem illa pseudoprophetae Mahomethi, qui affirmit Deum et Angelos per se orare, in Alcorano, cap. 43.

Illud autem quod dicit Dominus ad Mosem Exodi XXXII. *Dimitte me, ut irascatur furor meus* (2) : non proprie sed metaphorice accipiendum est, ut sancti Patres exponunt. Augustinus quæst. 149. in Exodi, Cyrillus lib. V. in Julianum, et Gregorius lib. IX, Mora- lium, cap. 12. Non enim significat illud, « Dimitte me », Deum potuisse a Mose impediri, ne faceret quod vellet, cum scriptum sit in libro Job, cap. IX. *Deus, cujus iræ nemo resistere potest :* sed significat, Deum precibus Mosis placatum id fecisse, quod illi solent, qui ab aliquo impediuntur, ne in aliquem alium severe animadvertant, quemadmodum etiam illud, *ut irascatur furor meus,* non proprie, sed per metaphoram accipitur. Dicitur enim Deus irasci, et furere, cum id facit sine ulla perturbatione, quod homines impellente furore faciunt, id est, perdit ac destruit. Denique similis metaphora est in illo Josue x. *Stetit sol in medio cœli obediens Deo voci hominis* (3). Significatur enim in his verbis, Deum tam prompte fecisse, quod Josue fieri cupiebat, ac si ad nutum ei parere voluisse, hoc est fecisse id, quod facere solent, qui dominis suis libenter obediunt.

Quod autem legimus ad Roman. VIII. *Ipse spiritus postulat pro nobis gemitis inenarrabilibus* (4) : pro eo sine dubio positum est, quod nos postulare facit, ut S. Augustinus docet in lib. I. adversus Maximinum non procul ab initio.

Non dissimili ratione explicandæ sunt sententiæ Scripturarum vel Patrum, quæ mutis animantibus tribuere videntur munus pre- cendi, quale est illud Ps. CIII. *Catuli leonum*

CAPUT VIII.

rugiens ut rapiant et querant a Deo escam sibi. Et illud Psalm. CXLVI. *Qui dat jumentis escam ipsorum, et pullis corvorum invocantibus eum* (1). Et illud S. Hieronymi in vita S. Pauli primi eremitæ, ubi refert monstrum quoddam sancto Antonio humana voce dixisse : « Legatione fungor gregis mei; precamur, ut pro nobis communem Deum deprecemus ». Et in eodem loco cum dixisset duos leones sancto Antonio blandiri, ejusque manus ac pedes lingere, et quasi osculari coepisse, subjunxit : « Ille animadvertis, benedictionem eos a se precari ».

Hæc, inquam, et alia id genus omnia metaphorica sunt. Dicuntur enim catuli leonum, et corvorum pulli Deum invocare, dum naturali quodam instinctu sive rugiendo, sive crocitozum exprimunt famam suam; cui Deus secundum ordinem providentiae sue prospicit, aperiens manum suam, et implens omne animal benedictione. Quod autem leones sancto blandiebantur Antonio, inter miracula numerandum est, sicut etiam illud quod petulcum illud et cornutum animal humana voce pro suo gregè orari petiverit. Nam ut olim asina Balaam, ut legimus Num. XXII. Deo volente locuta est, et quæ sibi necessaria erant, petiit, quamvis vocem ipsa suam non intelligeret; sic etiam monstrum illud, quod sanctus Hieronymus perpetuo bestiam vocat, divino miraculo loqui, et quæ sibi, suoque gregi congruebant, petere potuit, quamvis nec sciret, nec intelligeret quid loqueretur, aut postularet.

CAPUT VIII.

Non solum generatim, sed etiam in specie pro certis hominibus orari potuisse.

Sexto loco tractandum proposuimus a quibus, et pro quibus sit aliiquid per orationem petendum. Sed quoniam duas primariæ controversiæ de invocatione sanctorum, et oratione pro defunctis quæ hic tractari potuissent, jam sunt a nobis partim in lib. de cultu Sanctorum, partim in I lib. de Purgatorio explicatae : solum hoc loco dubitationem illam expediemus, liceatne in specie pro aliquo preces fundere. Siquidem Joannes Wicleffus duos errores de speciali oratione invexit. Unum, orationes speciales non magis prodesse, quam generales, et ideo non recte

(1) Psal. CIII, 21; Psal. CXLVI, 9.

facere eos, qui certos redditus legant Ecclesiis, ut singulis diebus, vel hebdomadibus sacra fiant, ut preces fundantur pro ipsorum anima. Alterum, non licere speciale orationem pro aliquo fundere, sed omnem orationem debere esse generalem, et pro omnibus simul, non pro singulis seorsim. Priorem errorem damnavit Concilium Constantiense sess. 8. Posteriorem refert et refellit Thomas Waldensis tom. III. de Sacramentibus, tit. 11. cap. 107.

Possimus utrumque errorem exemplis Scripturarum breviter confutare. Legimus enim Patriarchas, Prophetas, Apostolos, et ipsum etiam Christum speciales orationes fudisse : quod numquam fecissent, si vel illicitæ, vel inutiles essent ejusmodi preces. Igitur in Genes. cap. XXV. Isaac orat in specie pro conjugi sua Rebecca. II Reg. XII. David orat pro salute filii sui periclitantis. III Reg. XVII. orat Helias pro filio viduæ. II Machab. III. Onias oravit pro salute Heliadori. Luc. XXII. Christus oravit pro Petro, ut non deficeret fides ejus. Acto. XIII. oratio fiebat sine intermissione a tota Ecclesia Hierosolymitana pro S. Petro in carcere constituto. Ephes. VI. apostolus Paulus petit ab Ephesiis, ut ore generatim pro omnibus Sanctis et speciatim pro se. Quod etiam in commentario ejus loci observavit Hieronymus, et I ad Timoth. II. idem Apostolus orari præcipit pro omnibus generatim, et in specie pro rege, et aliis in sublimitate constitutis. Neque ulla ratio est, cur non licet orare pro singulis, si licet orare pro omnibus, et cur non sit utilior oratio ut satisfactoria illi, pro quo fit, si pro ipso tantum fiat, quam si fiat generatim pro omnibus. Quomodo etiam eleemosyna utilior est illi cui datur, si tota detur ei soli, quam si dividatur in multis.

Sed objicit Wicleffus argumenta tria. Primum est, oratio non est efficax, quæ ex perfecta charitate non prodat, perfecta vero charitas omnes amplectitur, nullum excludit.

Respondeo : Perfecta charitas est ordinata, et ideo quamvis omnes amplectatur, tamen alios alii anteponit, et nunc illos, nunc istos, nunc omnes, nunc singulos juvat, pro ut magis vel minus omnes, aut singulos istos, aut illos ope sua indigere cognoscit.

Secunda objectio. Oratio Dominica tota

generalis est; non enim dicimus Pater mi, sed Pater noster, nec, Panem meum quotidianum da mihi hodie, sed Panem nostrum quotidianum da nobis hodie, nec Dimitte mihi debita mea, sed, Dimitte nobis debita nostra: nec denique, Ne me inducas in temptationem, sed libera me a malo, sed, Ne nos inducas in temptationem, sed libera nos a malo. At non licet aliud petere, nisi quod in oratione Dominica continetur, ut S. Augustinus docet in epist. 121. cap. 12.

Respondeo: Non petimus aliud, sive generatim, sive speciatim oremus, nisi quod in oratione Dominica continetur, sed petimus alio modo; vel potius non tam petimus alio modo, quam ipsam generalem orationem applicamus particularibus personis, quod fieri posse Dominus ipse exemplo suo nos docuit. Alioquin enim non recte idem Dominus in horto pro se solo orans dixisset: *Pater mi, si possibile est transeat a me calix iste.* Cur autem Christus orationem Dominicam verbis generalibus pronunciari voluerit, causa est, quam supra diximus, quia generalis oratio est absolute melior et utilior: quamvis illi pro quo sit, utilior sit specialis, si non tam impetratio, quam satisfactio ex oratione queratur.

Tertia objectio. Communitas præferenda est singularitati; at non possumus eodem tempore pro communitate orare, et pro singulari in specie.

Respondeo: Negari non potest, quin sit communitas præferenda singularitati, si eodem tempore occurrat necessitas utriusque; sed si forte, quod sœpe accidit, unus aliquis versetur in magno diserimine, quod discrimen cum ipsa eorum communitate non sit commune, nihil prohibet, quo minus tunc omissa communitate, pro qua numquam desunt qui orant, ad speciale illud malum speciali oratione avertendum possimus, vel debeamus intentionem nostram animumque convertere. Quod Patriarchas et Prophetas, Christum quoque et Apostolos fecisse paulo ante docuimus.

CAPUT IX.

De conditionibus, quæ requiruntur ad impetrandum.

Restat pars ultima de modo orandi, sive potius de conditionibus, quæ requiruntur,

(1) Mat. VII, 7; Luc. XI, 10; Jacob. IV, 3.

ut quis certo impetrat quod orando postulat.

Sciendum est autem primo, multum interesse inter meritum et impetracionem. Nam meritum requirit charitatem, et charitatem viæ, ut Theologi loquuntur, et ideo neque peccatores, neque beati mereri possunt, sed solum justi, qui peregrinantur in terris. Impetratio autem non requirit charitatem viæ; immo ne charitatem quidem, si absolute de impetracione sit sermo. Proinde non solum viatores, sed etiam comprehensores, nec solum justi, sed etiam peccatores aliquando impetrant.

Praeterea ut oratio sit meritoria, non requiritur nisi ut ab homine justo, et ex charitate fiat, ut supra diximus de aliis operibus meritorii: at vero ut sit infallibiliter impetratoria multæ conditions requiruntur. Quamvis enim Scriptura videatur absolute promittere orantibus impetracionem earum rerum, quas postulant, ut Matth. VII, et Luc. XI. *Petite et accipietis; et, omnis qui petit accipit:* tamen promissiones istæ conditionem includunt, quam expressit Jacobus cap. IV. cum ait: *Petitis, et non accipitis, eo quod male petatis* (1). Itaque interdum oratio est meritoria, et non impetratoria, ut cum homo justus ex charitate petit id quod sibi forte non expedit, ut cum Paulus ter rogavit, ut auferretur a se stimulus carnis. Interdum est impetratoria, sed non meritoria, ut cum beati pro nobis, vel cum peccatores pro se ipsi orant, ut cum Publicanus dixit: Deus propitiatus esto mihi peccatori. Interdum est meritoria et impetratoria, ut cum justi in terris cum omnibus requisitis conditionibus orant.

Sciendum secundo, conditions ad infallibiliter impetrandum a S. Thoma in II. 2. quæst. 83. art. 15, numerari quatuor, videlicet, ut qui orat, pie, perseveranter, pro se, et necessaria ad salutem postulet; sed ipse idem tum eo loco, tum in 4. sentent. dist. 15. quæst. 4. art. ult. indicat ad pie petendum requiri quinque conditions, fidem, spem, charitatem, humilitatem et devotionem. Itaque omnes conditions simul octo erunt, non quatuor. De singulis ordine ac breviter disseremus.

Prima conditio est fides, de hac enim scribit Apostolus ad Roman. X. *Quomodo invocabunt, in quem non crediderunt?* Et sanctus Jacobus cap. 1. *Postulet autem in fide, nihil*

hesitanſ. Et ipse Dominus Marci xi. Quæcumque orantes petitis, credite quia accipietis, et evenient vobis (2). De hac fide multa diximus in I. lib. de Justificatione, ubi refutavimus Lutheranorum errorem, qui fiduciam cum fide confundunt, nec volunt veram esse fidem, nisi eam, qua quis certo credit se gratum esse Deo.

Illud est proprium hujus loci, ut intelligamus non requiri in oratione fidem, qua certo credamus Deum absolute facturum quod petimus, sed solum ut certo credamus, Deum esse potentissimum, sapientissimum, benignissimum, fidelissimum, et proinde posse scire, et etiam velle facere quod petimus, si non sit ex nostra parte defectus. Nam hanc fidem quæsivit Dominus Matth. IX. ab illis, quibus dixit: *Creditis quia hoc possum facere vobis?* eadem fide oravit David lib. II Regum, cap. XII. pro filio. Nam non certo credidisse se impetraturum, testantur illa ejus verba: *Quis scit si forte donet eum mihi Dominus?* (2) Simili fide orasse Apostolum II ad Corinth. XII. ut stimulus carnis auferretur a se, in dubium revocari non potest. Nam oravit ex fide; neque enim aliud sentire fas est de tanto Apostolo; et tamen non credit se certo impetraturum, alioqui falsa fuisset ejus fides. Non enim quod petiti impetravit. Neque alia fide orat Ecclesia universa pro infidelibus et peccatoribus, ut ad fidem, vel ad justitiam adducantur: neque enim certo credit Ecclesia, omnes infideles et peccatores esse convertendos. De qua re vide sanctum Prosperum lib. I de vocatione gentium, cap. 4. Denique nulla est absoluta promissio Dei, qua certi efficiamur nos absolute quicquid petierimus impetratueros, cum semper intelligatur adjuncta conditio, si bene petierimus: igitur falsa esset fides, aut certo non esset divina et Catholica fides, si certo crederemus Deum absolute quicquid petierimus esse facturum.

Altera conditio, eaque valde necessaria est spes et fiducia impetrandi. Quamvis enim non oporteat per fidem, quæ est actus intellectus certo statuere nos impetratueros quod petimus, oportet tamen per spem et fiduciam, quæ est actus voluntatis firmiter adhaerere benignitati divinæ, et certo confidere, Deum facturum esse quod petimus.

(1) Rom. X, 14; Jacob. I, 6; Marc. XI, 24. — (2) Mat. IX, 28; II Reg. XII, 22. — (3) Mat. IX, 2; Heb. IV, 16; I Tim. III, 5; Psal. XC, 14. — (4) Mar. XI, 23. — (5) I Cor. XIII, 2. — (6) I Cor. XII, 9.

Hanc conditionem quæsivit Dominus in Paralytico, cui dixit Matth. IX. *Confide, fili, remittuntur tibi peccata tua.* Eamdem querit Apostolus ad Hebr. IV. cum ait: *Accedamus cum fiducia ad thronum gratiæ ejus.* Item I ad Timoth. III. *Quæ vere vidua est, speret in Deo; et instet obsecrationibus et orationibus nocte et die.* Eidem promittit Deus impetracionem in Psal. XC. *Quoniam in me speravit, liberabo eum, invocabit me, et ego exaudiam eum* (3).

Quia vero fiducia nascitur ex fide, ideo Scriptura cum requirit fidem in orante, adjungit aliquid pertinens ad fiduciam, ut intelligamus requiri ad impetrandum non quamlibet fidem, sed perfectam, quæ gignat fiduciam, ut simul credamus Deum posse facere quod petimus, et simul certo confidamus, eum id, quod petimus, pro sua benignitate facturum.

Hinc legimus Marci XI. *Quicumque dixerit monti huic, tollere et mittere in mare, et non hæsitaverit in corde suo, sed crediderit, quia quodcumque dixerit, fiat, sicut ei* (4). Hoc est, quicumque imperaverit monti ut sese transferat in mare, et non habuerit in corde suo ullam diffidentiam, sed fidem perfectam, quæ maximam etiam gignat fiduciam, impetrabit sine dubitatione quod petit. De qua perfecta fide gignente fiduciam, intelligitur illud Apostoli I ad Corinth. XIII. *Si habuero tantam fidem, ita ut montes transferam etc.* (5). Atque hinc scribit Joannes Cassianus collation. 9. cap. 32. signum certum impetracionis esse cum quis in oratione magnam fiduciam sensit. Deus enim quando non exaudit, non infundit fiduciam, cum vero exaudiens decernit, fiduciam et lætitiam ingentem in corde orantis infundit. Denique haec ipsa fides, magna, gignens, pariensque fiduciam est illa fides, quæ operatur miracula, et quæ non omnibus datur, dicente Apostolo I ad Corinth. XII. *Alteri fides in eodem spiritu* (6).

Tertia conditio est charitas, sive justitia, charitas enim (ut ostendimus in II. lib. de Justificatione) ipsa est Christianorum vera, perfectaque justitia. Requiri autem justitiam in orante, ut certo impetraret, Scriptura non uno in loco testatur Psalm. XXXIII. *Oculi Domini super justos, et aures ejus in preces eo-*